

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-13-Z/17
Kakanj, 30.10.2017. godine

Z A P I S N I K

sa 13. redovne sjednice Općinskog vijeća održane 30.10.2017. godine (ponedjeljak) u velikoj sali za sastanke Općinskog vijeća sa početkom u 9:00 sati (sažetak zapisnika)

Nakon intoniranja himne Bosne i Hercegovine, 13. sjednicu Općinskog vijeća otvorio je Slaven Katičić, predsjedavajući Općinskog vijeća, i pozdravio prisutne: općinske vijećnike i vijećnice, općinskog načelnika, pomoćnike općinskog načelnika, izvjestioce, obrađivače, predstavnike medija i goste.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bećirhodžić, Aldin Šljivo, Edin Aliefendić, Mejrema Purišević, Muhamed Kubat, Senad Alajbegović, Izudin Hrusto, Haris Veispahić, Adnan Ibrahimspahić, Amar Selimović i Safet Šahman **(SDA)**

Semir Mušija, Rizah Haračić, Jasmin Mušanović, Mirnes Merdić i Mugdin Gorak **(SBB BiH)**

Mirsad Tursum, Rešad Merdić, Fahrudin Buza, Adisa Škulj i Zerina Kovač **(S BiH)**

Enes Piljug, Eldin Mijoč i Ahmed Begić **(SDP BiH)**

Nusret Muslić i Sedmedin Amidić **(DF)**

Slaven Katičić i Ivica Petrović **(HDZ BiH)**

Elvedin Delić **(A-SDA)**

Mujo Fafulić – **nezavisni kandidat iz reda nacionalnih manjina.**

Predsjedavajući je konstatirao da je na sjednici u momentu prijave prisutno 30 vijećnika i vijećnica te da su se stekli svi potrebni uvjeti za validan rad i odlučivanje Općinskog vijeća.

Pored vijećnika sjednici su prisustvovali:

Nermin Mandra, općinski načelnik

Ferdo Mijač, sekretar Općinskog vijeća

Mirza Fazlić, pomoćnik općinskog načelnika za privredu, urbanizam i zaštitu okoline

Džihad Berbić, pomoćnik općinskog načelnika za finansije

Nurčo Kurtović, pomoćnik općinskog načelnika za imovinskopravne, geodetske poslove i katastar nekretnina

Rešad Zaimović, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Enver Kusić, sekretar organa uprave

Zijad Neimarlija, direktor Zavoda za planiranje i izgradnju općine Kakanj

Nurudin Hrusto – pomoćnik općinskog načelnika za civilnu zaštitu

Izvjestioci, obrađivači, gosti

Mirnes Bajtarević – direktor JP „Grijanje“ d.o.o. Kakanj

Sead Imamović – direktor JP „Vodokom“ d.o.o. Kakanj

Helmina Murtić – direktorica JU za predškolski odgoj i obrazovanje „Mladost“ Kakanj

Mirsada Čaluk – predsjednica privremenog UO JU za predškolski odgoj i obrazovanje „Mladost“ Kakanj

Maid Goralija predsjednik Aktiva direktora srednjih škola na području općine Kakanj

Nadžmina Buza, predsjednica Aktiva direktora osnovnih škola na području općine Kakanj

Predstavnici medija:

NTV IC Kakanj

Radio Kakanj

„Kakanjske novine“

„Naša riječ“

„Kakanjlive“

„Kakanj-x“

„Kaportal“

Kratka saopćenja o radu sjednice i prethodnim pitanjima:

Predsjedavajući je rekao da je Kolegij Općinskog vijeća 23/10/2017. godine (ponedjeljak) sa početkom u 15:30 održao 12.sjednicu na kojoj je razmatrao:

a) Dostava prijedloga i mišljenja za Program rada Skupštine ZE-DO kantona za 2018.godinu

Kolegij je donio zaključak da se zahtjev za dostavu prijedloga i mišljenja dostavi svim vijećnicima a da objedinjene prijedloge dostave klubovi političkih partija koje participiraju u Općinskom vijeću do 10.11.2017.godine u Stručnu službu za poslove Općinskog vijeća.

b) Zahtjev MZ-e Kakanj II za ustupanje pumpi za snabdjevanje zgrade vodom od strane etažnih jedinica zgrade kao sadašnjih vlasnika istih JP „Vodokom“ kao i upravljanje i održavanje istih

Kolegij je utvrdio da se zahtjev uputi u Službu za imovinskopravne, geodetske poslove i katastar nekretnina, Općinskom pravobranilaštvu i JP „Vodokomu“ na dalje razmatranje i postupanje.

c) Urgent za saglasnost za izgradnju Središnjeg spomen obilježja poginulim braniteljima

Ovaj dopis je skinut sa dnevnog reda jer Kolegij nije postigao konsenzus.

d) Vijećnička inicijativa vijećnika Ivica Petrovića

Vijećnička inicijativa se odnosila na zloupotrebu vremena predviđenog za komentare na vijećnička pitanja i inicijative pojedinih vijećnika te se Kolegij izjasnio zaključkom da vijećnici obrate pažnju na vrijeme prilikom svojih javnih istupa za govornicom. Navedeni zaključak će se proslijediti svim vijećnicima.

e) Vijećnička inicijativa vijećnika Elvedina Delića

Vijećnička inicijativa se odnosila na održavanje tematske sjednice na kojoj bi se razmatrala trenutna situacija grijnog sistema u Kakanju kao i problem zagađenja u zimskom periodu. Kolegij je odlučio da se vijećnička inicijativa proslijedi Službi za privredu, urbanizam i zaštitu okoline kako bi ista do 15.11.2017.godine dostavila materijal za tematsku sjednicu.

f) Inicijativa za izradu Strategije sigurnosti saobraćaja u Općini Kakanj za period 2018-2023. godine

Kolegij je donio zaključak da se ista uputi u Službu za privredu, urbanizam i zaštitu okoline na dalje postupanje i razmatranje.

g) Zahtjev MZ Povezice za dodjelu sredstava za rekonstrukciju mjesnog puta

Kolegij je donio zaključak da se zahtjev MZ Povezice proslijedi Zavodu za planiranje i izgradnju općine Kakanj na dalje razmatranje i postupanje.

h) Obavijest o provođenju postupka certifikacije – Program BFC SEE certifikacije

Kolegij je donio zaključak da se obavijest prima k znanju a ista se prosljeđuje svim vijećnicima.

i) Odgovor Zavoda za planiranje i izgradnju općine Kakanj na inicijativu političke organizacije građana „Naša stranka“

Kolegij je odgovor Zavoda za planiranje i izgradnju općine Kakanj primio k znanju.

j) Odgovor Službe za privredu, urbanizam i zaštitu okoline na zaključak u vezi zahtjeva preduzeća Hidrogradnja Sarajevo, podružnica Kamenolom „Geben“ i Porezne uprave FBiH za oslobađanje plaćanja takse na istaknutu firmu

Kolegij je donio zaključak da se Odgovor prima k znanju a isti se prosljeđuje preduzeću Hidrogradnja Sarajevo, podružnica Kamenolom „Geben“.

k) Informacija Službe za imovinskopravne, geodetske poslove i katastar nekretnina povodom dopisa „Centrotrans Eurolines“ d.d. Sarajevo

Kolegij je Informaciju primio k znanju.

Kolegij je donio i zaključak kojim sugerira općinskim službama da budu ažurnije u dostavljanju materijala Vijeću i da poštuju rokove predviđene Poslovníkom o radu Općinskog vijeća.

Usvajanje zapisnika sa 11. i 12. sjednice Općinskog vijeća

Predsjedavajući je zapisnik sa 11. i 12. sjednice Vijeća stavio na razmatranje. Pošto nije bilo prijavljenih diskutanata, predsjedavajući je zapisnike stavio na glasanje i nakon glasanja konstatirao da su isti usvojeni sa 30 glasova za.

Komentari na dostavljene odgovore na vijećnička pitanja:

Rizah Haračić: rekao je da nije dobio odgovor od JP „Grijanje“ d.o.o. Kakanj na vijećnička pitanja sa prethodne sjednice u vezi dinamike priključenja grijanja u MZ Kakanj II ističući važnost istog kao i uložena

sredstva. Također je rekao da je imao uvid u dokumentaciju u kojoj se navodi da su predizolovane cijevi iz MZ Povezice i Bičer prodane JP „Grijanje“ i traži od JP „Grijanje“ dostavljanje dokumentacije o priključenju grijanja u MZ Kakanj II do naredne sjednice Općinskog vijeća.

Nusret Muslić: je rekao da na prethodnoj sjednici nije bio u mogućnosti da komentariše odgovore na vijećnička pitanja i dalje navodi da nije dobio odgovor u vezi naknada predsjednicima mjesnih zajednica osim iznosa koji je predviđen za iste ali da nije došlo do izmirenja obaveza prema tim predsjednicima. Posebno je naglasio da nije dobio odgovor od općinske administracije u vezi broja zaposlenih u Općini Kakanj za period 2012.- 2017. godina.

Općinski načelnik (odgovor): je rekao da svjesno nije odgovoreno na vijećničko pitanje o broju zaposlenih jer to zapravo i nije pitanje koje zahtjeva odgovor nego se radi o pristupu informacijama što zahtijeva posebnu proceduru.

Nusret Muslić (replika): je naglasio da je pitanje bilo tačno formulirano i ponovio isto.

Enes Piljug: je rekao da je dobio odgovor od Službe civilne zaštite u vezi statusa sela Mramor ali da oni nisu nadležni za rješavanje tog vijećničkog pitanja te traži da se isto prosljedi Upravi RMU Kakanj.

Komentari na dostavljena mišljenja na vijećničke inicijative:

Rizah Haračić: je iskazao zadovoljstvo odgovorom i postupanjem po vijećničkoj inicijativi u vezi promjene ograničenja brzine na lokaciji od Kaknja do Kraljeve Sutjeske i od Kaknja prema Papratnici. Također je zamolio da odgovore od nadležnih iz Kantona dobije na adresu a ne preko ličnih kanala.

Nusret Muslić: je rekao u vezi odgovora na inicijativu za postavljanje usporivača brzine na saobraćajnici kroz Albaniju i da se taj dio može obuhvatiti članom 2. Pravilnika usporivača brzine zbog stalnog kretanja učenika i pješaka tom dionicom i naglasio je da su prije postavljanja novog asfalta na tom dijelu bili postavljeni usporivači brzine uz apel vozačima na oprezniju vožnju. Također je postavio pitanje u vezi realizacije inicijative o izgradnji i postavljanju većih jarbola sa državnim zastavama do 25. novembra – Dana državnosti.

Safet Šahman: je postavio pitanje u vezi dodatnog objašnjenja za vijećničko pitanje o izgradnji ambulante u Krševcu i fazi u kojoj se trenutno nalazi. Također je rekao da je u vijećničkoj inicijativi na prošloj sjednici tražio pomoć mještanima Hodžića u postavljanju vodovoda ali da istima pomoć nije neophodna jer su mještani prikupili sredstva i izvršili ugradnju cjevovoda.

Zijad Neimarlija: je dao odgovor u vezi izgradnje ambulante u Krševcu i rekao da se nalazi u prvoj fazi projekta koji će realizovati preduzeće „Hering“ iz Mostara kojem je poslat ugovor na potpisivanje kao i da su svi uslovi za izgradnju stečeni. Prva faza se odnosi na grube građevinske radove a druga faza će se planirati za sljedeću godinu.

Enes Piljug: je ponovio vijećničku inicijativu u vezi rasvjete od Hidrogradnje na Kamenolomu do ulaza u selo Brnj.

Vijećnička pitanja:

Jasmin Mušanović: je postavio dva vijećnička pitanja, u vezi anketiranja građana o zadovoljstvu postavljenih kalorimetara u nekim stambenim zgradama i u vezi broja građana koji su korisnici Narodne kuhinje u Kaknju i o cijeni dnevnih obroka iste.

Nusret Muslić: je postavio dva vijećnička pitanja, u vezi kontrole i preduzetih mjera nad kladionicama na području Općine Kakanj(prisustvo maloljetnih osoba, izrečene kazne, higijenski i drugi uslovi, udaljenost kladionica od škola i sl.) i u vezi problema korištenja javnih površina za parking.

Rešad Merdić: je postavio vijećničko pitanje u vezi troškova za izdavanje urbanističku saglasnost i rješenja za građenje na građevinskom zemljištu i van njega s obzirom na mnogo nelegalno izgrađenih objekata.

Safet Šahman: je postavio vijećničko pitanje u vezi uređenja alternativnog puta prema selu Brnjic.

Izudin Hrusto: je postavio tri vijećnička pitanja, u vezi (ne)postojanja socijalne slike Općine Kakanj i izradi iste i u vezi provjere akreditacije osoba koje provode humanitarne akcije na području općine Kakanj. Također je postavio vijećničko pitanje u vezi povećanja brzine pored Termoelektrane jer je ista povećana na drugim dionicama.

Enes Piljug: je postavio dva vijećnička pitanja, u vezi dovođenja i priključka toplotne energije domaćinstvima u užem gradskom jezgru (Plandište, Dumanac, Pope, Zgošća, Donji Kakanj) i u vezi budžetom izdvojenih sredstava za projekte infrastrukture na području Općine Kakanj i nerealizaciji istih (Roščevina, Tršće, Čizmići, Bijele vode) zbog kraja građevinske sezone.

Zijad Neimarlija(odgovor): je rekao da će se projekti infrastukture planirani za 2017.godinu koji nisu realizovani prenijeti u narednu godinu.

Ivica Petrović: je postavio dva vijećnička pitanja, u vezi broja zaposlenih u preduzeću Harry Electrics i njihovog zastupnika Amine Zulić i u vezi poništenja konkursa za direktora JU Centra za socijalni rad.

Rizah Haračić: je postavio vijećničko pitanje u vezi problema zdravstvenog osiguranja građana romske populacije koji su izgubili pravo na zdravstvenu zaštitu i u vezi statusa zemljišta na kojem se nalazi podstanica grijanja u MZ Povezice.

Vijećničke inicijative

Općinski načelnik: je rekao da će se održati tematska sjednica u vezi problematike priključenja grijanja u nekim MZ-a i daljim planovima JP „Grijanje“ Kakanj na sanaciji postojeće mreže daljinskog grijanja. Također je rekao da postoje planovi Općine Kakanj za takve projekte i novim pripremama za realizaciju istih u vidu studija izvodivosti, procjena, kreditnih zaduženja jer je to ozbiljna i skupa problematika. Spomenuo je i uvođenje naknada za one koji imaju individualna ložišta.

Jasmin Mušanović: je podnio dvije vijećničke inicijative, u vezi pomjeranja pješačkog prelaza na ulazu u grad, kod kružnog toka zbog ometanja saobraćaja i da se ulica od PS Kakanj do MGM apoteke proglasi jednosmjernom ili da se u istoj zabrani tok saobraćaja.

Ahmed Begić: je podnio vijećničku inicijativu da se napravi reportažna emisija o ponašanju učesnika u saobraćaju sa akcentom na raskrsnice i kružne tokove.

Enes Piljug: je podnio vijećničku inicijativu o stavljanju u funkciju bazena pitke vode u MZ Gornja Slapnica.

Edin Aliefendić: je podnio dvije vijećničke inicijative u vezi promjene smijera saobraćaja u ulici 309. Brdske brigade i da se asfaltira dio puta u naselju Zgošća koji služi kao okretnica gradskog autobusa i polazna tačka za gradski saobraćaj.

Aldin Šljivo: je podnio dvije vijećničke inicijative u vezi replike Zgoščanskog stečka i da se od 2017.godine uvede praksa obilježavanja Dana državnosti na srednjovjekovnom gradu Bobovcu.

Izudin Hrusto: je podnio dvije vijećničke inicijative, u vezi problema parking prostora u samom kružnom toku na centru radi ometanja saobraćaja i da se poveća ograničenje brzine pored Termoelektrane.

Rizah Haračić: je podnio dvije vijećničke inicijative u vezi sanacije oštećene diletacije mosta na ulazu u Kakanj i da se izvrši popis saobraćajne infrastukture u romskim naseljima u Mz Bičer i Povezice.

Ivica Petrović: je podnio vijećničku inicijativu o povećanju brzine pored preduzeća Seperacija.

Nusret Muslić: je podnio vijećničku inicijativu u vezi sigurnosti prelaza preko željezničke pruge u naselju Doboju.

Utvrđivanje dnevnog reda

Predsjedavajući je za današnju sjednicu predložio dnevni red (PO POZIVU) koji je usaglašen na sjednici Kolegija Općinskog vijeća održanoj 23.10.2017. godine. Dodao je da je po intervenciji obrađivača predloženo da posebna komisija vrši postupak javne prodaje neizgrađenog građevinskog zemljišta u Kaknju (zvanog „Gradska pijaca – tezge“) te predložio da se prijedlog rješenja uvrsti kao 6.tačka dnevnog reda.

U diskusiji o dnevnom redu su učestvovali: Nusret Muslić, Eldin Mijoč, Ivica Petrović, Rizah Haračić i Haris Veispahić.

Nusret Muslić: je ispred kluba vijećnika DF predložio da se, obzirom na učestalu praksu kašnjenja materijala za sjednice Vijeća i stalno dopunjavanje dnevnog reda netom prije sjednice, tačke od 1-5 povuku s dnevnog reda.

Eldin Mijoč: je podržao diskusiju vijećnika Muslića te dodao da je općinska administracija nemarna prema Općinskom vijeću jer kasni sa dostavom materijala što onemogućava vijećnicima da kvalitetno prate sjednicu Vijeća. Kolegij je izrazio jasan stav i zaključkom upozorio općinske službe da budu ažurnije u dostavljanju materijala Općinskom vijeću. Upitao je zašto formirati novu komisiju za prodaju neizgrađenog građevinskog zemljišta u Kaknju (zvanog „Gradska pijaca – tezge“) kad jedna komisija može obaviti sve četiri prodaje. Dodao je da je ova praksa mora prestati i da se općinska administracija mora uozbiljiti te da u znak protesta ovakvoj praksi podržava prijedlog kluba vijećnika DF.

Ivica Petrović: je podsjetio da se Kolegij izjasnio zaključkom kojim poziva općinske službe da budu ažurnije u dostavljanju materijala te da je Kolegij ovakav dnevni red usaglasio pa nema potrebe da se tačke skidaju s dnevnog reda. Dodao je da je u tački 5. navedeno da će prodaju vršiti jedna komisija. Tražio je od obrađivača da pojasnio o čemu je riječ i ima li opravdanog razloga da prodaju vrše dvije komisije.

Rizah Haračić: je ispred kluba vijećnika SBB upitao da li se može osigurati neki razuman rok za vijećnike da se sa materijalima upoznaju. Složio se sa prethodnicima da je postala ustaljena praksa da se materijali dostavljaju pred sjednicu Vijeća i predložio pauzu na kojoj će se utvrditi rok za dostavu materijala vijećnicima.

Nusret Muslić: je pročitao član 62. Poslovnika o radu Općinskog vijeća i rekao da je on dovoljno jasan jer precizira rokove i način na koji se vijećnicima dostavlja poziv sa materijalima za sjednicu Vijeća.

Predsjedavajući: je rekao da prijedlog dnevnog reda utvrđuje Kolegij a dnevni red se utvrđuje na samoj sjednici Općinskog vijeća te stoga nije neobično i suprotno Poslovniku da se na samoj sjednici mijenja. Podsjetio je da je dosadašnja praksa bila da se svi pristigli materijali dostavljaju vijećnicima kako pristižu da se ne bi usporavao rad organa uprave.

Haris Veispahić: je rekao da je ova diskusija o dnevnom redu neprimjerena jer je dnevni red usaglašen na Kolegiju Općinskog vijeća. Dodao je da u jednu ruku dijeli mišljenje sa vijećnicima koji negoduju zbog kašnjenja u dostavljanju materijala ali i rekao da nisu sve službe neažurne već samo pojedine. U vezi prijedloga da se tačke od 1. do 5. skinu s dnevnog reda rekao je da su materijali dostavljeni prije sjednice i da je bilo dovoljno vremena da se vijećnici s istim upoznaju. Složio se da je potrebno pojašnjenje u vezi formiranja još jedne komisije. Na kraju je rekao da je potrebno da se vodi i evidencija oko prijema materijala u Stručnu službu za poslove Općinskog vijeća kako bi se otklonila i ta nejasnoća, obzirom da je vijećnik Haračić dobio odgovor na vijećničko pitanje tek danas a iz JP „Grijanje“ je poslano prije 20 dana.

Eldin Mijoč: je rekao da se javio za diskusiju iz protesta prema diskusiji prethodnika. Vijećnik Veispahić je u svojoj diskusiji upotrijebio izraz „ne odobravam“ što se može shvatiti kao „ne podržavam“ ali, obzirom da je govornica javna, trebalo bi voditi računa o izboru riječi jer nikom ne treba ničije odobravanje ukoliko se ponaša u skladu sa zakonom i Poslovnikom.

Haris Veispahić: je rekao da diskusija pa i prijedlog da se tačke povuku s dnevnog reda kontradiktorna jer je prijedlog dnevnog reda usaglašen na Kolegiju.

Rizah Haračić: je ispred kluba vijećnika SBB-a predložio pauzu od 5' za usaglašavanje.

Nakon pauze Nurčo Kurtović, pomoćnik općinskog načelnika, pojasnio je da je došlo do greške te da povlači prijedlog da se imenuje posebna komisija za prodaju zemljišta zvanog „Gradska pijaca – tezge“.

Predsjedavajući je prijedlog DF da se prvih 5 tačaka skine sa dnevnog reda stavio na glasanje i prijedlog nije dobio većinu sa 5 glasova za, 11 protiv i 13 uzdržanih.

Nakon toga Vijeće je usvojilo dnevni red po pozivu, bez novih tačaka dnevnog reda sa 24 glasa za, 5 protiv i 1 uzdržan.

Usvojeni dnevni red:

1. Prijedlog odluke o načinu i uslovima raspolaganja nekretninom - javne prodaje neizgrađenog građevinskog zemljišta u Kaknju (zvano „Zgoščanska“)
2. Prijedlog odluke o načinu i uslovima raspolaganja nekretninom - javne prodaje neizgrađenog građevinskog zemljišta u Kaknju (zvano „Ada“)
3. Prijedlog odluke o načinu i uslovima raspolaganja nekretninom - javne prodaje neizgrađenog građevinskog zemljišta u Kaknju (zvano „Rudarska“)

4. Prijedlog odluke o načinu i uslovima raspolaganja nekretninom - javne prodaje neizgrađenog građevinskog zemljišta u Kaknju (zvano „Gradska pijaca – tezge“)
5. Prijedlog rješenja o imenovanju Komisije za provođenje postupka javne prodaje neizgrađenog građevinskog zemljišta u Kaknju (zvanog „Zgoščanska“, „Ada“, „Rudarska“ i „Gradska pijaca – tezge“)
6. Prijedlog odluke o uslovima i načinu držanja pasa, te načinu postupanja sa napuštenim i izgubljenim psima na području općine Kakanj
7. Prijedlog odluke o konačnom imenovanju članova Skupštine JP „Vodokom“ d.o.o. Kakanj
8. Prijedlog odluke o konačnom imenovanju članova Skupštine JP „Grijanje“ d.o.o. Kakanj
9. Razmatranje Izvještaja o realizaciji Godišnjeg programa rada JU za predškolski odgoj i obrazovanje „Mladost“ Kakanj za školsku 2016/2017. godinu
10. Razmatranje Godišnjeg programa rada JU za predškolski odgoj i obrazovanje „Mladost“ Kakanj za školsku 2017/2018. godinu
11. Prijedlog rješenja o utvrđivanju prava vlasništva u korist Zakušek (Franje) Petra
12. Informacija o stanju u osnovnim i srednjim školama na području općine Kakanj na kraju prethodne i početku nove školske 2017/2018. godine

Tačka 1.

Prijedlog odluke o načinu i uslovima raspolaganja nekretninom - javne prodaje neizgrađenog građevinskog zemljišta u Kaknju (zvano „Zgoščanska“)

Tačka 2.

Prijedlog odluke o načinu i uslovima raspolaganja nekretninom - javne prodaje neizgrađenog građevinskog zemljišta u Kaknju (zvano „Ada“)

Tačka 3.

Prijedlog odluke o načinu i uslovima raspolaganja nekretninom - javne prodaje neizgrađenog građevinskog zemljišta u Kaknju (zvano „Rudarska“)

Tačka 4.

Prijedlog odluke o načinu i uslovima raspolaganja nekretninom - javne prodaje neizgrađenog građevinskog zemljišta u Kaknju (zvano „Gradska pijaca – tezge“)

Predlagač: općinski načelnik

Obrađivač: Služba za imovinkopravne, geodetske poslove i katastar nekretnina

Izvestilac: Nurčo Kurtović, pomoćnik općinskog načelnika

Stav i mišljenje: Komisija za Statut i propise

Vijeće je vodilo objedinjenu raspravu o ovim četirima tačkama.

U diskusiji su učestvovali: Nusret Muslić, Eldin Mijoč i Jasmin Mušanović

Nusret Muslić: je upitao da li je općinskim regulacionim planom predviđena izgradnja navedenih objekata i tražio je dodatna objašnjenja tačnih lokacija i krajnji cilj istih.

Mirza Fazlić: je rekao da se prije svakog prijedloga prodaje zemljišta daje prethodna urbanistička saglasnost što podrazumijeva da dalja namjena te parcele mora biti u skladu sa regulacionim planom te je nemoguće da se pristupa prodaji zemljišta bez navedene saglasnosti.

Što se tiče pojašnjenja lokacija, rekao je da se Gradska pijaca-tezge nalazi na području Zelene pijace i da je planirano da to bude zatvoreni prostor(tzv. rau bau), parcela Rudarska se nalazi preko puta nove džamije i takve parcele se u većini slučajeva prisvajaju u privatna vlasništva a s obzirom da je ista pogodna za izgradnju nekih objekata pristupilo se prodaji dok nije došlo do uzurpiranja te parcele, lokacija Ada se nalazi u Povezicama, pored „Nove trgovine“ i već je poznato da je ista cijepana i uz iskazano zainteresovanje pristupit će se prodaji iste, a lokacija Rudarska se nalazi ispod zgrade DSM-a koji će i ostati parking a predviđeno je da se na prizemnoj etaži ostavi otvoreni prostor za prolaz u garaže koje se tu nalaze a iznad njega se gradi objekat prema rijeci Zgošći.

Edin Aliefendić: je iskazao zadovoljstvo za uređenje Gradske pijace i pitao je da li se kroz uređenje iste može riješiti i problem robne pijace kao i za odabir alternativne lokacije pijace za vrijeme uređenja postojeće.

Eldin Mijoč: je predložio da se daju informacije o tome gdje će se pijaca održavati tokom narednog perioda da bi se ljudi koji tu rade mogli pripremiti za taj period.

Nusret Muslić: zahvalio se na pojašnjenju i upitao da li se prilikom prodaje ove lokacije vrijednost iste umanjuje za određeni iznos a obaveza investitora bi bila da za tu cijenu ustupi Općini Kakanj taj prostor za Gradsku pijacu.

Jasmin Mušanović: je predložio da se pijaca izmakne na neku drugu lokaciju zbog ometanja saobraćaja i prilaza građana svojim domaćinstvima. Također je upitao da li se može usvojiti neki zaključak kojim će se usloviti budući graditelji objekata na izgradnju podzemnih garaža jer je to alternativa postojećem zabušenju na području Općine Kakanj.

Mirza Fazlić: je rekao da nije predviđena regulacija robne pijace jer ona može biti komercijalizovana na poslovnim prostorima koji budu na tim etažama ili u iznajmljenom prostoru ukoliko upravitelj to obezbijedi. Što se tiče alternativne lokacije u planu je prostor ispod Doma kulture. Pojasnio je i tačnu vrijednost tog zemljišta koju je procijenio vještak, a što se tiče podzemnih garaža predviđeno je da se zavisno od broja radnih jedinica obezbijedi određeni broj parking mjesta.

Eldin Mijoč: je tražio dodatna objašnjenja u vezi alternativne lokacije pijace uključujući sve ostale prateće informacije, od premještaja postojećih izloga do broja pijačnih dana u sedmici i slično.

Mirza Fazlić: je dao prijedlog da se donese zaključak o formiranju Komisije sastavljene od predstavnika Općine i predstavnika upravitelja pijace kako bi se definisala alternativna lokacija da bi se na narednoj sjednici moglo znati koja je to tačna lokacija kao i način obavljanja te djelatnosti.

Prijedlog odluke o načinu i uslovima raspolaganja nekretninom – javne prodaje neizgrađenog građevinskog zemljišta u Kaknju (zvano „Zgoščanska“) je usvojen sa 24 glasa za, 5 protiv i niko uzdržan.

Prijedlog odluke o načinu i uslovima raspolaganja nekretninom – javne prodaje neizgrađenog građevinskog zemljišta u Kaknju (zvano „Ada“) je usvojen sa 25 glasa za, 5 protiv i niko uzdržan.

Prijedlog odluke o načinu i uslovima raspolaganja nekretninom – javne prodaje neizgrađenog građevinskog zemljišta u Kaknju (zvano „Rudarska“) je usvojen sa 25 glasa za, 5 protiv i niko uzdržan.

Prijedlog odluke o načinu i uslovima raspolaganja nekretninom – javne prodaje neizgrađenog građevinskog zemljišta u Kaknju (zvano „Gradska pijaca -tezge“) je usvojen sa 25 glasa za, 5 protiv i niko uzdržan. Predsjedavajući je na glasanje stavio i zaključak o imenovanju komisije sastavljene od predstavnika Općine i upravitelja pijace koji je Vijeće usvojilo sa 30 glasova za.

Tačka 5.

Prijedlog rješenja o imenovanju Komisije za provođenje postupka javne prodaje neizgrađenog građevinskog zemljišta u Kaknju (zvanog „Zgoščanska“, „Ada“, „Rudarska“ i „Gradska pijaca – tezge“)

Predlagač: Komisija za izbor i imenovanje,

Obrađivač: Služba za imovinskopravne, geodetske poslove i katastar nekretnina,

Izvjestilac: Edin Aliefendić, predsjednik Komisije

Usljedila je pauza u radu Vijeća na zahtjev Komisije za izbor i imenovanje.

Nakon pauze **Edin Aliefendić**, predsjednik Komisije za izbor i imenovanje, je predložio slijedeće u sastav Komisije za provođenje postupka javne prodaje zemljišta: Naida Bukvić, predsjednica, Safet Šahman, Emına Begić, Ivica Petrović, Elvedin Delić i Sanel Alić – članovi. U diskusiji o ovoj tački dnevnog reda nije niko učestvovao pa je predsjedavajući prijedlog rješenja o imenovanju Komisije za provođenje postupka javne prodaje neizgrađenog građevinskog zemljišta u Kaknju („Zgoščanska“ „Ada“, „Rudarska“ i „Gradska pijaca-tezge“) stavio na glasanje i nakon glasanja konstatirao da je isti usvojen sa 23 glasa za, 4 protiv i niko uzdržan.

Tačka 6.

Prijedlog odluke o uslovima i načinu držanja pasa, te načinu postupanja sa napuštenim i izgubljenim psima na području općine Kakanj

Predlagač: općinski načelnik

Obrađivač: Služba za privredu, urbanizam i zaštitu okoline i Stručna služba za poslove općinskog načelnika

Izjavitelj: Enver Kusić, sekretar organa uprave

Stav i mišljenje: Komisija za ljudska prava i ravnopravnost spolova, Komisija za Statut i propise.

U diskusiji su učestvovali: Semir Mušija, Nusret Muslić, Rizah Haračić i Elvedin Delić.

Semir Mušija: je rekao da klub SBB-a pozdravlja i podržava odluku. Naglasio je da su dva suštinska procesa u prijedlogu odluke: sklonište za pse i proces registracije pasa. Osnovni uslov ili preduslov da bi se ova odluka implementirala u punom kapacitetu jeste proces registracije pasa. Istaknuo je da su problem nesavjesni vlasnici tj. posjednici koji svoje pse, kada im dosade, izbace na ulicu. Kada su uspostavi jedinstven registar pasa, vlasnici će konačno i preuzeti veću odgovornost. Upitao je ko će voditi registar pasa, ko proces mikročipiranja, ko će odrediti cijenu mikročipiranja, obzirom da je nabavna cijena jednog mikročipa 5KM, a nadležne veterinarske stanice naplaćuju 25 KM. Dodao je da će se 70% do 80 % problema riješiti ako se uspije do kraja istrajati i registrovati sve pse i njihove vlasnike na području općine Kakanj. Upitao je zašto u odredbi člana 24. prijedloga nije precizirano da će ove poslove obavljati JP „Vodokom“ jer je izjavitelj to rekao u uvodnom izlaganju .

Nusret Muslić: je ispred kluba vijećnika DF izrazio sumnju u implementaciju odluke ali i rekao da je ipak podržavaju. Upitao je da li je JP „Vodokom“ spremno i tehnički osposobljeno za provođenje ove odluke, kolika su financijska sredstva potrebna i na koji način se ista planiraju obezbijediti, gdje će se graditi objekat za boravak napuštenih pasa, da li postoji saglasnost građana koji gravitiraju na tom području da se taj objekat gradi.

Rizah Haračić: se osvrnuo na izlaganje Envera Kusića, sekretara organa uprave, gdje u jednom dijelu kaže da fizičkim licima ova djelatnost nije isplativa, zatim u drugom dijelu tu neisplativu djelatnost stavlja JP „Vodokom“ u nadležnost. Ukoliko pomenuto preduzeće ima želju i spremno je da učestvuje u realizaciji ovog projekta, trebala bi se osigurati i financijska sredstva kako preduzeće ne bi poslovalo s gubicima.

Elvedin Delić: se osvrnuo na član. 12. prijedloga kojim je propisano da, ako se psi nalaze u blizini i hrane iz obližnjih firmi, samim tim pripadaju toj firmi. Upitao je da li će se to odnositi i na fizička lica, ukoliko se na posjedu do njihovog okupljaju psi litalice. Šta znači opravdano ubiti psa?

Enver Kusić: je odgovorio da obaveza mikročipiranja nije u nadležnosti Općine Kakanj. U svoj registar pasa Općina će nastojati upisati mikročipirane pse, tako da će inspekcija moći djelovati izricanjem kazne onima koji nisu upisani u registar a imaju psa. Za mikročipiranje je nadležna veterinarska organizacija. Vođenje registra je po Zakonu o veterinarstvu F BiH u nadležnosti veterinarske organizacije. Općina Kakanj je imala namjeru da osnivanjem svog registra da nadležnost komunalnoj i sanitarnoj inspekciji jer se jedino na taj način može djelovati. Što se tiče učešća JP „Vodokom“ u samoj relizaciji, Općina Kakanj je ostavila rok od 6 mjeseci za detaljno analiziranje i vodila niz razgovora vezano za projektovanje i određivanje parcele, obzirom na brojnost populacije u općini Kakanj ti projekti će se morati preprojektovati i uskladiti sa povećanim obimom populacije napuštenih pasa. U ovoj fazi rješavanja problematike nije se vodilo računa o financijskoj konstrukciji ali će predstavnici Općine i predstavnici JP „Vodokom“ detaljno analizirati svaki momenat i ugovorom regulirati obaveze i odgovornosti. Vijećniku Deliću je rekao da se u firmama ne mogu držati psi koji nisu registrovani, a što se tiče napuštenih kuća, samo formiranje azila će riješiti taj problem.

Semir Mušija: je sugerirao da se organizira sastanak sa veterinarskim stanicama u Kaknju gdje bi se dogovorio tačan plan i program procesa registracije pasa te da cijene mikročipiranja ne prelaze okvirnu cijenu, te da je rok od 60 dana za djelovanje inspekcije od usvajanja ove odluke za vlasnike pasa i i informisanost građana je relativno kratak.

Predsjedavajući je prijedlog odluke o uslovima i načinu držanja pasa, te načinu postupanja sa napuštenim i izgubljenim psima na području općine Kakanj stavio na glasanje i nakon glasanja konstatirao da je isti usvojen sa 28 glasova za, bez glasova protiv i 1 uzdržan.

Tačka 7.

Prijedlog odluke o konačnom imenovanju članova Skupštine JP „Vodokom“ d.o.o. Kakanj

Tačka 8.

Prijedlog odluke o konačnom imenovanju članova Skupštine JP „Grijanje“ d.o.o. Kakanj

Predlagač: Komisija za izbor u regulirane organe,

Obrađivač: Stručna služba za poslove Općinskog vijeća,

U diskusiji je učestvovao Nusret Muslić.

Nusret Muslić: je rekao da klub DF prije izjašnjavanja želi znati sastav komisije koja je razmatrala prijave, na koji način je vršeno bodovanje kandidata i koje su struke predloženi kandidati.

Predsjedavajući je prijedlog odluke o konačnom imenovanju Magbule Ganić, Fahrudina Topalovića, Aide Silajdžić, Nataše Šarić i Adnana Husike u Skupštinu JP „Vodokom“ d.o.o. Kakanj stavio na glasanje i nakon glasanja konstatirao da je isti usvojen sa 20 glasova za, 4 protiv i 5 uzdržanih. Nakon toga predsjedavajući je prijedlog odluke o konačnom imenovanju Jasenka Beusa, Elmira Škulja i Mahira Neimarlije u Skupštinu JP „Grijanje“ d.o.o. Kakanj stavio na glasanje i nakon toga konstatirao da je isti usvojen sa 20 glasova za, 4 protiv i 5 uzdržanih.

Tačka 9.

Razmatranje Izvještaja o realiziranju Godišnjeg programa rada JU za predškolski odgoj i obrazovanje „Mladost“ Kakanj za školsku 2016/17 godinu

Predlagač: UO JU „Mladost“ Kakanj,

Obrađivač: UO JU „Mladost“ Kakanj,

Izjavitelj: Helmina Murtić, direktorica JU i Mirsada Čaluk, predsjednica privremenog UO JU,

Stav i mišljenje: Komisija za ljudska prava i ravnopravnost spolova

U diskusiji nije niko učestvovao pa je predsjedavajući Izvještaj o realiziranju Godišnjeg programa rada JU za predškolski odgoj i obrazovanje „Mladost“ Kakanj za školsku 2016/17 godinu stavio na glasanje i nakon glasanja konstatirao da je Vijeće dalo saglasnost na isti sa 28 glasova za, bez glasova protiv i uzdržan.

Tačka 10.

Davanje saglasnosti na Godišnji program rada JU za predškolski odgoj i obrazovanje „Mladost“ Kakanj za školsku 2017/18 godinu

Predlagač: UO JU „Mladost“ Kakanj,

Obrađivač: UO JU „Mladost“ Kakanj,

Izjavitelj: Helmina Murtić, direktorica JU i Mirsada Čaluk, predsjednica privremenog UO JU,

Stav i mišljenje: Komisija za ljudska prava i ravnopravnost spolova

U diskusiji nije niko učestvovao pa je predsjedavajući Godišnji program rada JU za predškolski odgoj i obrazovanje „Mladost“ Kakanj za školsku 2017/18 godinu stavio na glasanje i nakon glasanja konstatirao da je Vijeće dalo saglasnost na isti sa 28 glasova za, bez glasova protiv i uzdržan.

Tačka 11.

Prijedlog rješenja o utvrđivanju prava vlasništva u korist Zakušek (Franje) Petra

Predlagač: općinski načelnik,

Obrađivač: Služba za imovinskopravne, geodetske poslove i katastar nekretnina,

Izjavitelj: Nurčo Kurtović, pomoćnik općinskog načelnika,

Stav i mišljenje: Komisija za Statut i propise

U diskusiji je učestvovao Ivica Petrović

Ivica Petrović: je upitao pomoćnika općinskog načelnika da li je prijedlog odluke u skladu sa zakonom.

Nurčo Kurtović: je rekao da je prijedlog u skladu sa zakonom.

Predsjedavajući je na prijedlog rješenja o utvrđivanju prava vlasništva u korist Zakušek (Franje) Petra stavio na glasanje i nakon toga konstatirao da je isti usvojen sa 28 glasova za, bez glasova protiv i uzdržan.

Tačka 12.

Informacija o stanju u osnovnim i srednjim školama na području općine Kakanj na kraju prethodne i početku nove školske 2017/2018. godine

Predlagač: općinski načelnik

Obrađivač: Služba za društvene djelatnosti, boračka pitanja, raseljena lica, izbjeglice i povratnike

Izjavitelj: Rešad Zaimović, pomoćnik općinskog načelnika

Stav i mišljenje: Komisija za ljudska prava i ravnopravnost spolova, Komisija za mlade

Uvodno izlaganje je dala Nedžmina Buza, predsjednica Aktiva direktora osnovnih škola na području općine Kakanj i Rešad Zaimović, pomoćnik općinskog načelnika.

U diskusiji su učestvovali: Elvedin Delić, Rešad Merdić, Eldin Mijoč, Nusret Muslić, Rizah Haračić, Ivica Petrović, Muhamed Kubat, Haris Veispahić, Jasmin Mušanović, Safet Šahman, Mirsad Tursum.

Elvedin Delić: je upitao da li i koliko osnovne škole dobiju sredstva za organiziranje priredbi za Dan nezavisnosti, Dan državnosti i koliko ima djece u socijalnoj potrebi koja koriste pravo besplatne užine tj. da li se treba mijenjati Pravilnik za ovu oblast kako bi se proširio broj korisnika.

Rešad Merdić: je rekao da se iz Izvještaja vidi da je saradnja vijeća roditelja i škola dobra ali ipak se bilježi veliki broj izostanaka te predložio da se ta saradnja dodatni intezivira. Pohvalio je menadžment JU Mješovite srednje škole u Kaknju zbog nabavke opreme za praktičnu nastavu.

Eldin Mijoč: je rekao da je zadovoljan Informacijom i svim činjenicama koje ona sadrži. Problematizirao je stanje u osnovnim i srednjim školama i generalno sistem obrazovanja koji prikazuje nemar Kantona kao nadležnog tijela za ovu oblast. Također, rekao je da je generalno politika upošljavanja neracionalna i dovodi u nepovoljan položaj i učenike i nastavnike. Predložio je da se Vijeće izjasni o zaključku: „Općinsko vijeće traži od Vlade ZDK da u Budžetu za 2018.godinu obezbijedi potrebna sredstva za renoviranje mokrih čvorova područnih i centralnih škola u kojima još uvijek nije izvršeno renoviranje.Potrebno je obezbijediti još dodatnih 5.000 KM za svaku područnu i centralnu školu radi opremanja i nabavke potrebnih didaktičkih pomagala.“ Također, osvrnuo se na nejednoobraznu upotrebu udžbenika u školama i finansijske posljedice koje snose roditelji učenika.

Nusret Muslić: se složio sa diskusijom prethodnika i ispred kluba vijećnika DF predložio zaključak: „Da se oforme stručni timovi na nivou kantona za izbor najboljih udžbenika od ponuđenih udžbenika za svaki predmet, u svim razredima devetogodišnje osnovne škole.Traži se od Ministarstva obrazovanja ZDK da iznađe rješenje da se od naredne školske godine koriste isti udžbenici (odnosno udžbenici istih autora), izabrani od stručnih timova, za svaki predmet pojedinačno, u svim osnovnim školama na području kantona, za duži vremenski period.“

Rizah Haračić: je istakao da je ova problematika važna i da je jedan od problema u ovoj oblasti i nakaradno upošljavanje prosvjetnih radnika. Veliki je broj nezaposlenih prosvjetnih radnika iz Kaknja i nisu ni na jedan način privilegovani da radni odnos započnu u Kaknju. S druge strane, po sadašnjem sistemu bodovanja prosvjetni radnici dolaze sa strane a naš je kakanjski kadar na Birou.Također, govorio je i o neusklađenosti obrazovnog sistema sa tržištem rada na području općine Kakanj.

Ivica Petrović: je rekao da je retorika vijećnika Haračića na mjestu ali bi se trebala proširiti i na ostale firme na području općine Kakanj, npr. Termoelektranu.

Muhamed Kubat: je rekao da je bodovni sistem za izbor nastavnika napravljen tako da na konkursu prođe najbolji kandidat. S tim u vezi, ne umanjujući značaj i kvalitet kakanjskog kadra, svaki roditelj bi htio da njegovo dijete ima i najboljeg nastavnika.

Razah Haračić: je rekao da je u bodovnom sistemu prvenstveno nekorektno što kandidat sa više godina radnog staža ima prednost u odnosu na nekog ko nema toliko radnog iskustva. Radni staž nije mjerilo kvaliteta.

Haris Veispahić: je rekao da je Informacija urađena korektno i osvrnuo se na zaključke iz Informacije a koji se odnose na prijedlog mjera finansijske prirode te dodao da su nejasni (ne precizira se izvor finansiranja). Stanje u obrazovanju može se posmatrati infrastrukturno i u tom dijelu vidi se neki pomak. Ali sa didaktičkog aspekta stanje je više nego zabrinjavajuće jer npr. srednjoškolci i dalje rade po nastavnom planu i programu iz 1994.godine, a u osnovnim školama je stanje i gore jer se nastavni planovi i programi neprilagođeno mijenjaju iz godine u godinu. Dodao je da je tražio da direktori škola budu prisutni na sjednici zato što je potrebno sistem mijenjati iznutra. tj, da oni svojim inicijativama i preporukama utječu na didaktičke procese u našem kantonu.

Jasmin Mušanović: se složio sa diskusijom prethodnika a naročito sa diskusijom vijećnika Mijoča po pitanju elementarnih uslova za odvijanje nastave. Upitao je da li u neopravdane časove ulaze i časovi sa kojih učenici odusustvuju da bi obavili vjerske obaveze (džumma). Ukoliko je to tako, dodao je da bi trebalo da se reagira prema Ministarstvu obrazovanja kako bi se u budućnosti to otklonilo. Predložio je da se Vijeće izjasni o ovom zaključku kako bi svi mogli nesmetano ostvariti vjerske slobode bez posljedica.

Safet Šahman: je rekao da je iz Izvještaja evidentno da je svake godine sve manji broj đaka u seoskim školama. Dodao je da ovakav trend pravi favorizaciju grada nad selom i u tom smislu šalje poruku mladima da iz sela odlaze. Na kraju je rekao da bi trebalo razmišljati o tome da se predlože neke mjere kako bi se mladi ljudi sa djecom zadržali na selu.

Mirsad Tursum: se složio sa diskusijama prethodnika i rekao da je uloga škola osim obrazovne i odgojna te da se o tom aspektu vrlo malo govori. Također, rekao je da se nije ništa reklo ni o vršnjačkom nasilju, konzumiranju droge, alkohola i duhana, kladionicma. Rekao je da se u Izvještaju uopće ne govori o ovom problemima i ulozi nastavnog kadra u odgojnom procesu.

Nakon iscrpljene rasprave predsjedavajući je Informaciju stavio na glasanje i Vijeće je Informaciju primilo k znanju s 27 glasova za, bez glasova protiv i uzdržanih.

Vijeće je usvojilo i zaključke vijećnika Mijoča, Muslića i Mušanovića sa 27 glasova za, bez glasova protiv i uzdržanih.

Sjednica se završila u 13:05.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić
